



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 80 Б А С П А С Ө З Р Е Л И З І

**ҚР Ұлттық Банкінің Төрағасы Қайрат Келімбетов
«Ислам Давосына» қатысты**

2014 жылғы 28 қазан

Алматы

Мемлекет басшысы Н. Назарбаевтың БАӘ-ге жұмыс сапары шеңберінде Ұлттық Банк Қазақстан Республикасының Ұлттық Банкі мен Біріккен Араб Әмірліктерінің Орталық Банкі арасындағы өзара түсіністік туралы меморандумға қол қойды. Оған ҚР Ұлттық Банкінің Төрағасы Қайрат Келімбетов пен БАӘ Орталық Банкінің Төрағасы Мубарак Рашид Аль Мансури қол қойды. Меморандум екі мемлекеттің орталық банктерінің арасында қаржылық қадағалау саласында ынтымақтастықты орнатуға, сондай-ақ исламдық қаржыландыруды дамытуға бағытталған, бұл екі мемлекеттің қаржы жүйесінің тұрақтылығын қамтамасыз етуге ықпал ететін болады. БАӘ Орталық Банкінің Төрағасы тұтастай алғанда Қазақстан қаржы секторының және жеке алғанда исламдық қаржыландырудың даму қарқынын жоғары бағалады.

ҚР Ұлттық Банкінің Төрағасы 10-шы Дүниежүзілік ислам экономикалық форумына (БАӘ) қатысушылардың алдында сөз сөйлеп, Қазақстандағы исламдық қаржыландырудың, оның ішінде исламдық бағалы қағаздар нарығының ағымдағы жай-күйі және даму жоспарлары туралы айтып берді.

Форум шеңберінде Келімбетов мырза Малайзия Орталық Банкінің Төрағасы Зети Ахтар Азизбен кездесті. Тараптар өзара тиімді ынтымақтастықты реттеу, сондай-ақ Малайзияның исламдық қаржыландыруды дамыту саласындағы тәжірибесін зерделеу мәселелерін талқылады.

Сонымен қатар ҚРҰБ Төрағасы Парсы шығанағы Облигациялар және сукук қауымдастығының (Gulf Bond and Sukuk Association) мүшелерімен кездесті. Кездесу барысында Қайрат Келімбетов Қазақстан қаржы секторының ағымдағы жай-күйі туралы, сондай-ақ исламдық қаржыландырудың және Алматы қаласының өңірлік қаржы орталығын дамытудың рөлі туралы ақпарат берді. Қауымдастық мүшелері Алматы қаласының өңірдегі көш бастап тұрған қаржы орталығы ретіндегі рөлін атап

өтті, сондай-ақ Алматы қаласында еншілес компанияларын ашуға мүдделіліктерін білдірді.

Анықтама үшін: *Дүниежүзілік исламдық экономикалық форум - мұсылман әлемінде ынтымақтастықты дамытудың мүмкіндіктері мен перспективалары талқыланатын президенттерге, үкімет басшыларына, саясаткерлерге, халықаралық ұйымдардың басшылары мен өкілдеріне, сондай-ақ бизнесмендерге, сарапшыларға, ғалымдар мен қоғам қайраткерлеріне арналған тұғырнама. Жыл сайын іс-шараға 140 елден шамамен 2500 қатысушы қатысады.*

2013 жылы «Ислам Давосы» Лондонда (Ұлыбритания) өтті. Ұлыбританияның Премьер-Министрі Дэвид Кэмерон Лондонды батыс әлеміндегі исламдық қаржының астанасы ретінде орнықтыратындығын мәлімдеген болатын. 2011 жылы 7-ші Форум Астана қаласында өтті.

10-шы Форум Шейх Мохаммед Бин Рашид Аль Мактумның, БАӘ Вице-Президентінің, Премьер-Министрдің және Дубай Басқарушысының патронаттығымен өтті. 2014 жылы Форум экономиканың өсуіне бағытталған инновациялық әріптестік тақырыбына арналды.

Толығырақ ақпаратты мына телефондар бойынша алуға болады: +7 (727) 270-46-39, +7 (727) 2 704 585; +7 (727) 330 24 97, e-mail: press@nationalbank.kz, www.nationalbank.kz.